

## სახელმწიფო შესყიდვის შესახებ ხელშეკრულება № 16

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულებას, რომელიც დადებულია გამარტივებული შესყიდვის შედეგად.

ქ. ბათუმი

03 თებერვალი 2023 წ.

ერთის მხრივ, ა(ა)იპ ხელვაჩაურის საბავშვო ბაღების გაერთიანება (შემდგომში „შემსყიდველი“) წარმოდგენილი მისი დირექტორის ლია გოგიტიძის სახით და მეორეს მხრივ, შპს „მმმ ჯგუფი“ (შემდგომში „მიწოდებელი“) მისი დირექტორის მამუკა ფარტენაძის სახით, სახელმწიფო შესყიდვების შესახებ კანონის საფუძველზე, დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი და კლასიფიკატორის კოდი

- 2.1. ხელშეკრულების საგანს წარმოადგენს ა(ა)იპ ხელვაჩაურის საბავშვო ბაღების გაერთიანების სტრუქტურული ქვედანაყოფებისათვის სანტექნიკური მოწყობილობები, ონკანები, ვენტილბები სარქველები და მსგავსი ნაწილები, ტუმბოები -900 ლარი.; წყალმომარაგება-კანალიზაციის სისტემებისა და გათბობის მასალები, მოწყობილობები მილსადენი სისტემებისათვის-900ლარი; ელექტრონული, ელექტრომექანიკური და ელექტროტექნიკური აქსესუარები -(700 ლარი);. შექმენა
- 2.2. ხელშეკრულებით გათვალისწინებული საქონლის რაოდენობა და აღწერა მოცემულია მიწოდებლის მიერ მოწოდებულ ანგარიშგაქტურაში.
- 2.3. კლასიფიკატორის კოდი: CPV 42130000 - (900 ლარი)  
CPV 44162100 (44115210) - (900 ლარი)  
CPV 31500000 - (700 ლარი)

### 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 2500 (ორიათასხუთასი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ „მიწოდებლის“ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. მოსაწოდებელი საქონლის სახეობა, რაოდენობა და ერთეულის ფასი განისაზღვრება „მიწოდებელი“ -ს მიერ წარმოდგენილი დანართის ან/და ანგარიშგაქტურის შესაბამისად.

### 4. საქონლის მიწოდების ადგილი და ვადა

4.1. საქონლის მიწოდების ადგილად განისაზღვრება: ა(ა)იპ ხელვაჩაურის საბავშვო ბაღების გაერთიანების სტრუქტურული ქვედანაყოფები.

4.2. საქონლის მიწოდება „შემსყიდველისათვის“ უნდა განხორციელდეს ეტაპობრივად ფაქტიურად მიღებული საქონლის შესაბამისად ხელშეკრულების გაფორმებიდან 2023 წლის 30 აპრილის ჩათვლით.

#### 5. შესყიდვის ობიექტის მიღება-ჩაბარების წესი

5.1. შესყიდვის ობიექტი მიღებულად ჩაითვლება მხოლოდ მიღება-ჩაბარების აქტზე ხელისმოწერის დღიდან.

5.2. მოწოდებული საქონლის მიღება-ჩაბარება განხორციელდება საქონლის ეტაპობრივად მოწოდების შემდგომ მიღება-ჩაბარების აქტის გაფორმებით.

#### 6. ანგარიშსწორების ფორმა და ვადები

6.1. ანგარიშსწორება „მიმწოდებელთან“ ხორციელდება უნაღდო ანგარიშსწორების ფორმით ხელშეკრულებაში „მიმწოდებლის“ მიერ მითითებულ საბანკო ანგარიშზე გადარიცხვით, ანგარიშსწორების ვალუტა - ლარი.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, სასაქონლო ზედნადები ან/და საგადასახადო ანგარიშ-ფაქტურა.

6.3. „მიმწოდებელთან“ ანგარიშსწორება განხორციელდება 6.2 პუნქტით გათვალისწინებული დოკუმენტების წარმოდგენიდან 10 (ათი) საბანკო დღის განმავლობაში.

#### 7. მხარეთა უფლება-მოვალეობანი

7.1. „შემსყიდველი“ უფლებამოსილია:

7.1.1. საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ „მიმწოდებლის“ მიერ წარმოდგენილი მონაცემები ყალბი აღმოჩნდება, აგრეთვე საქართველოს კანონმდებლობით გათვალისწინებულ სხვა შემთხვევებში;

7.1.2. აწარმოოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება ხელშეკრულების შესრულების ნებისმიერ ეტაპზე;

7.1.3. საქონლის მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტი;

7.1.4. საჭიროების შემთხვევაში განახორციელოს მოწოდებული საქონლის ექსპერტიზა შესაბამისი სამსახურის მეშვეობით. ექსპერტიზასთან დაკავშირებული ხარჯები ანაზღაურდეს „მიმწოდებლის“ მიერ.

7.2. „შემსყიდველი“ ვალდებულია მოახდინოს ანგარიშსწორება „მიმწოდებელთან“ წინამდებარე ხელშეკრულების მე-5 მუხლით გათვალისწინებული პირობებით.

7.3. „მიმწოდებელი“ უფლებამოსილია მოთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. „მიმწოდებელი“ ვალდებულია:

7.4.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;

7.4.2. მიაწოდოს „შემსყიდველს“ საქონელი სათანადო ხარისხით და სრული მოცულობით;

7.4.3. უზრუნველყოს საქონლის მიწოდება ტექნიკური დავალების შესაბამისად;

7.4.4. საკუთარი რესურსებით უზრუნველყოს „შემსყიდველი“ ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით;

7.4.5. იმ შემთხვევაში, თუ მიწოდებული საქონელი ნაკლის მქონე აღმოჩნდება აღმოფხვრას ნაკლი ან შეცვალოს იგი შეტყობინებიდან 5 დღის ვადაში.

#### 8. ხელშეკრულების შესრულების კონტროლი

8.1. ხელშეკრულებით ნაკისრი ვალდებულებების შესრულების კონტროლს (ინსპექტირებას) განახორციელებს „შემსყიდველის“ მიერ ხელშეკრულების დადების მომენტისათვის შესაბამისად განსაზღვრული პირი.

8.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### 9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.2. ხელშეკრულებით ნაკისრი ვალდებულებების შეუსრულებლობის, ასევე ხელშეკრულების დროზე ადრე შეწყვეტისას, „მიმწოდებელს“ ეკისრება პირგასამტეხლოს გადახდა ხელშეკრულების ჯამური (საერთო) ღირებულების 20 (ოცი) პროცენტის ოდენობით.

9.3. ხელშეკრულებით ნაკისრი ვალდებულებების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს), „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02 (ნული მთელი ორი მეასედი) პროცენტის ოდენობით.

9.4. იმ შემთხვევაში, თუ ვადების გადაცილებისათვის დაკისრებული პირგასამტეხლოს ჯამური (საერთო) თანხა გადააჭარბებს ხელშეკრულების ჯამური (საერთო) ღირებულების 2 (ორი) პროცენტს, „შემსყიდველს“ უფლება აქვს შეწყვიტოს ხელშეკრულება.

9.5. ხელშეკრულების ნაწილობრივ შესრულების შემთხვევაში, „მიმწოდებელს“ გაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10 (ათი) პროცენტის ოდენობით.

#### 10. ხელშეკრულების შეწყვეტა მისი პირობების შეუსრულებლობის გამო

10.1. ხელშეკრულების პირობების შეუსრულებლობის შემთხვევაში „შემსყიდველს“ უფლება აქვს შეწყვიტოს ხელშეკრულება.

10.2. „შემსყიდველის“ მიერ ხელშეკრულება ცალმხრივად ვადამდე შეიძლება მოიშალოს (შეწყდეს):

10.2.1. „მიმწოდებლის“ მიერ ნაკისრი ვალდებულებების სრულად შესრულებისათვის დადგენილი ვადის დარღვევის შემთხვევაში;

10.2.2. თუ სახელმწიფო შესყიდვის შესახებ ხელშეკრულების გაფორმებით ირღვევა საქართველოს კანონმდებლობა;

10.2.3. „შემსყიდველის“ მიერ „მიმწოდებლის“ გაფრთხილების მიუხედავად იმავე პირობის განმეორებით ან/და სხვა პირობების შეუსრულებლობის გამოვლენის შემთხვევაში;

10.2.4. ნაკისრი ვალდებულებების შესრულების ვადის დადგომამდე აშკარა ხდება, რომ „მიმწოდებელი“ დადგენილ ვადაში ვერ შეასრულებს ნაკისრ ვალდებულებას და დადგება ხელშეკრულებაზე უარის თქმის (შეწყვეტის) საფუძვლები, ხოლო „შემსყიდველმა“ ურთიერთობის გაგრძელება დაუკავშირა ვალდებულების დროულად შესრულებას;

10.2.5. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

10.2.6. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.2.7. „მიმწოდებლის“ გაკოტრების შემთხვევაში.

#### 11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

#### 12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ანმისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12.4. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

#### 13. სადაო საკითხების გადაწყვეტა

13.1. „შემსყიდველმა“ და „მიმწოდებელმა“ ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს მოქმედი კანონმდებლობის შესაბამისად.

#### 14. ხელშეკრულების მოქმედების ვადა

14.1. ხელშეკრულება ძალაში შედის ხელმოწერის მომენტიდან და მოქმედებს 2023 წლის 31 მაისის ჩათვლით.

#### 15. განსაკუთრებული პირობები

15.1. მხარეები თანხმდებიან, რომ ის ურთიერთობები, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით.

15.2. ხელშეკრულება შედგენილია ქართულ ენაზე, სამ ეგზემპლარად და თითოეულ მათგანს თანაბარი იურიდიული ძალა აქვს.

15.3. ხელშეკრულების ერთი ეგზემპლარი გადაეცემა „მიმწოდებელს“, ხოლო ორი ინახება შემსყიდველ ორგანიზაციაში.

*შემსყიდველი~*

*ა(ა)იპ ხელვაჩაურის საბავშვო ბაღების  
გაერთიანება*

ტელ: 25 90 81

მის: ქ.ბათუმი, ფანასკერტელ-ციციშვილის

ქ№20

საბანკო რეკვიზიტები:

ს.კ. 448382571

ა.ნ. 300739800

სახელმწიფო ხაზინა, კოდი: 040101

დირექტორი

*ლია გოგიტიძე*

---

*მიმწოდებელი~*

*შპს „მმ ჯგუფი“*

მის: ქ. ბათუმი, ფ.ხალვაშის გ. ქ 239გ

ტელ: \_\_\_\_\_

საბანკო რეკვიზიტები:

სს „საქართველოს ბანკი“

ს. კ. 448395987

ანგ. № GE44BG0000000516418900

*მამუკა ფარტენაძე*

---